

Vorrede.

5
weiter verkauffen können? weilen Jeder
man selber gnug hat / solte mir nur liegen
vnd verderben: Darumb besser das es
einen andern als mir verdirbt: solche
vnd dergleichen Reden gehen herum/
Ja mancher Gottlose Mensch noch dar-
zu flucht vnd wünscht / das das wetter
hinein schlagen vnd verbrennen müsse/
weilen er kein geldt dafur lösen kan.
Solte wohl Gott solches gefallen? wurde
er vnrecht thun wan er ein grosse theu-
rung darauff schicken thete? Geschichte
das nicht alle zeit / westen dings ein grosser
vberflus / dessen ein grosser mangel balde
darauff folget? Haben wir dan einen
bürgen das solches vnß nicht auch balde
widerfahren kan? Derhalben man billig
die Reiche gaben Gottes nicht also vn-
nützlich verderben lassen / sondern fleissig
bewahren / vnd zu sammen halten solte.
Thun wirs nicht / so wirdts Gott thun/
dessen wir aber nicht lachen werden.

Deme nun so viel muglich vor zu kom-
men / das der vberflus von Wein vnd
Korn bis auff kunfftige theure Zeiten
möchte erhalten vnd bewahret werden/